



SCRIVI

CORS IN LINIE PAR IMPARÂ A SCRIVI PAR FURLAN

edizion 2023

La seste edizion dute in linie dal cors par imparâ a SCRIVI par furlan
Un cors su la plateforme MOODLE dal Docuscuele

Un grup di docents pardabon unic

Un cors increditât daûr des liniis vuide MIUR cun atestât finâl bon par iscrivisi te liste regionâl

La possibilità di stâ daûr a lis lezions cuant che si à il temp par fâlu

Une metodologije inovative par imparâ une lenghe

Esperts a disposizion par ducj i dubis

Il Docuscuele - Centri regionali di documentazion ricercje e sperimentazion didatiche pe scuele furlane al organize la seste edizion in linie su plateforme Moodle dal cors di lenghe furlane par insegnants di ducj i ordins di scuele (de scuele de infanzie ae secondarie di secont grât).

Il cors al vûl dâ ai docents lis competencis necessariis di gramatiche - fonologjie, morfologjie e sintassi - par podê doprâ in maniere juste la lenghe furlane scrite. Par chest si zovarà dai insegnants plui preparâts cun titui academics specifics par garantî la cualitât alte dal percors di formazion proponût, che si insiorarà ancje di elements di storie de lenghe, semantiche, linguistiche comparade, toponomastiche, storie dal Friûl. E dut chest si disviluparà lant daûr des metodologjiis plui valevulis par imparâ une lenghe come l'üs des mapis mentâls par memorizâ miôr e la metodologjie induutive par compagnâ il corsist intun percors di scuiverte graduâl: de osservazion autonome dai câs par ciû di cognossi la regule, al metisi in zûc cun esercizis sempliçs par verificâ se la ipotesi fâte e stâ in pîts, fin a cognossi la regule in ducj i siei detais in gracie de spiegazion di tutors esperts che a gjavaran ducj i dubis!

La direzion scientifice e je di **Franco Finco**, che al coordene une scuadre di nivel cun dentri **Ada Bier, Fabio Boltin, Linda Picco, Maria Chiara Visintin e Gabriele Zanello**.

Il cors si articole in 4 modui:

1. Fonologjie e grafie furlane	3. Morfologjie verbâl
2. Morfologjie nominâl	4. Morfologjie pronominal

Ogni modul al è organizât su 4 setemanis di ativitâts (input di riflession, video lezions, esercizis, aprofondimenti...) cuntune verifiche finâl.

Il cors al è a gratis. Par notâsi si à di compilâ la schede che si cjate sul nestri sit www.scuelefurlane.it, jentrant tal spazi dedicât al cors SCRIVI dret de pagjine principâl. La iscrizion e vignarà confermade di une mail di riscuintri, cence il riscuintri la iscrizion no je valevule. **Il cors al è ricognossût par 30 oris daûr des liniis vuide MIUR cuntun atestât a pueste.**

Il cors al sarà viert dal 1 di Fevrâr ai 31 di Dicembar dal 2023 cu la possibilità di iscrivisi e tacâ a fâ lis ativitâts no dopo dai 30 di Novembar par permetti a ducj di rivâ insom dal percors formatif.

Par vê plui informazions si pues scrivi a info@scuelefurlane.it

DOCUSCUELE - CENTRI REGIONALI DI DOCUMENTAZION RICERCJE E SPERIMENTAZION DIDATICHE PE SCUELE FURLANE

li de Societât Filologjiche Furlane, vie Manin 18 - 33100 Udin | tel. 0432 501598 - int. 5

Finanziât di



Realizât di



In colaborazion cun



AGENZIE
REGIONALI
PE LENGHE
FURLANE